

RI JUÒRNU E NTA NUTTATA

Rrùssu ggiàllu
u cielu
prestu â matina
ô livanti s'addhuma
e se a Manu susi u sipariu
sapuri r'aternu si rapi
e arriri.
U suli
ddha puntidha luntanu ca si viri
l'arcu si conza
e si cci apprica,
i capidhi si sciògghi
e i sponza a-mmari.
Nta-ll'unna accòmu luci
a rriti cci stenni u piscaturi
ccâ spranza,
quann'è ll'ura,
ca a vela ô vientu l'armu 'rritorna
aruci
ùnni risia u cori.

Ô punenti
ntâ ciana i cani abbàjunu
zzichijàrunu i cicali
e i linninèdhi su' filecci
ca i cordhi r'oru tòccunu
rô suli
ntô vespri stisi
mentri cala.

N'orchèstra
a scena aperta sona
e quann'è scuru
bbranniànnu i stidhi 'bbàllunu
ntô tettu attuòrnu a luna
ca 'n siènnicci lu spusu
si vesti ri patrana.

Sulitariu
n-lluntanàzza
u carritièri canta strata strata
l'assùlu râ so malincunia.

Appràusi!
U spittàculu si rièprica rumani.
Cuncessu ni sia ri nun mancarei.

DI GIORNO E NELLA NOTTATA - Rosso giallo / il cielo / presto nel mattino / a levante s'accende / e se la Mano alza il sipario / sapore d'eterno si apre/ e ride . Il sole / quella punta lontano che si vede / l'arco s'innalza / e vi si arrampica / i capelli si scioglie / e li inzuppa nel mare // Nell'onda appena luccica / la rete vi stende il pescatore / con la speranza / quando sarà l'ora / che la vela al vento l'animo ritorni / dolcemente / dove desidera il cuore / A ponente / sulla pianura i cani abbaiono, / friniscono le cicale e le rondini sono frecce / che le corde d'oro toccano / del sole / nel vespro stese / mentre cala. // Un'orchestra / a scena aperta suona / e quando è buio / brillando le stelle ballano / sul tetto attorno alla luna / che non essendoci lo sposo / si veste da padrona. // Solitario / in lontananza / il carrettiere canta per la strada / l'assolo della sua malinconia. // Applausi ! / Lo spettacolo si replica domani./ Concesso ci sia di non mancare.